



Broj: 05-2732-12/15
Sarajevo, 14. 08. 2015. godine

Na osnovu člana 100. tačka (3) Zakona o javnim nabavkama („Službeni glasnik BiH“, broj 39/14) i člana 22. Statuta Agencije za bankarstvo Federacije BiH („Službene novine Federacije BiH“) broj 42/04), direktor Agencije za bankarstvo Federacije BiH donosi

ODLUKU

o usvajanju žalbe ponuđača i poništavanju postupka javne nabavke

I.

Usvaja se žalba ponuđača “Global Technical Service” d.o.o Sarajevo na Odluku o izboru najpovoljnijeg ponuđača u otvorenom postupku nabavke usluga čišćenja poslovnih prostorija Agencije za bankarstvo Federacije BiH (u nastavku: Agencija) u Sarajevu, Zmaja od Bosne 47b, broj: 05-2732-11/15 od 31. 07. 2015. godine,

II.

Poništava se postupak javne nabavke usluga čišćenja poslovnih prostorija Agencije u Sarajevu, Zmaja od Bosne 47b, pokrenut po Odluci o pokretanju postupka javne nabavke broj: 05-2732/15 od 09. 07. 2015. godine, zbog proceduralne pogreške nastale prilikom rada Komisije za provođenje predmetnog postupka nabavke (u nastavku: Komisija).

III.

Ovom Odlukom stavlja se van snage Odluka o izboru najpovoljnijeg ponuđača broj: 05-2732-11/15 od 31. 07. 2015. godine, donesena na osnovu preporuke Komisije tokom provođenja otvorenog postupka nabavke usluga iz tačke I. ove odluke.

IV.

Ova odluka stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke, a objavit će se na web-stranici Agencije: www.fba.ba, istovremeno s upućivanjem iste učesnicima u ovom postupku, u skladu sa članovima 70. i 71. Zakona o javnim nabavkama (u nastavku: Zakon).

Obrazloženje

Agencija za bankarstvo Federacije BiH pokrenula je postupak javne nabavke usluga čišćenja poslovnih prostorija Agencije u Sarajevu, Zmaja od Bosne 47b, po Odluci o pokretanju postupka nabavke predmetnih usluga broj: 05-2732/15 od 09. 07. 2015. godine.

Obavještenje o nabavci objavljeno je na Portalu javnih nabavki dana 10. 07. 2015. godine pod brojem 3010-1-2-13-3-15/15.

Na osnovu uvida u raspoloživu dokumentaciju, Komisija je konstatovala da su ponude po ovom predmetu nabavke podnijeli slijedeći ponuđači:

- 1) „Konis“ d.o.o. Sarajevo,
- 2) „Kristal“ d.o.o. Sarajevo i
- 3) „Global Technical Service“ d.o.o. Sarajevo.

U skladu s utvrđenom procedurom, na osnovu Zapisnika o pregledu i ocjeni ponuda, broj 05-2732-10/15 od 29.07.2015. godine, na osnovu preporuke Komisije društvo „Konis“ d.o.o. Sarajevo odabrano je kao najpovoljniji ponuđač u predmetnom postupku nabavke, uz primjenu kriterija najniže cijene tehnički zadovoljavajuće ponude.

Slijedom navedenog, od strane Agencije donesena je Odluku o izboru najpovoljnijeg ponuđača, broj 05-2732-11/15 od 31.07.2015. godine, koja je objavljena na web stranici Agencije, te istovremeno, u skladu s članovima 70. i 71. Zakona, zajedno sa Zapisnikom o pregledu i ocjeni ponuda, dostavljena svim ponuđačima koji su učestvovali u ovom postupku nabavke.

Na osnovu donesene Odluke o izboru najpovoljnijeg ponuđača, u propisanom roku, društvo „Global Technical Service“ d.o.o. Sarajevo dana 06.08.2015. godine zatražilo je da izvrši uvid u ponude i dokumentaciju vrednovanja ponuda ponuđača što mu je, saglasno članu 11. stav (5) Zakona i članu 4. Zakona o slobodi pristupa informacijama omogućeno.

Uvid u dokumentaciju izvršen je od strane predstavnika navedenog društva dana 07.08.2015. godine u poslovnim prostorijama Agencije, pod nadzorom službenih osoba institucije nadležnih za provođenje ovog postupka nabavke.

Navedeni ponuđač je nakon obavljenog uvida u dokumentaciju, 11. 08. 2015. godine, izjavio žalbu na obavijest o izboru najpovoljnijeg ponuđača, u kojoj je naveo da Komisija tokom provođenja postupka nije izvršila uvid u ogledne uzorke (prezentacija sredstava za čišćenje radi dokazivanja kvaliteta), tražene tenderskom dokumentacijom, dostavljene od strane ponuđača.

Razmatrajući po žalbi ovog privrednog subjekta, nakon što je utvrđeno da je ista blagovremena, dopuštena i izjavljena od strane ovlaštene osobe, od strane Agencije izvršena je provjera navoda žalitelja u dijelu koji se odnosi na pregled uzoraka sredstava za čišćenje, kako bi se utvrdilo da li su isti osnovani.

Tokom provođenja tog postupka ustanovljeno je da je žalba upućena od strane imenovanog ponuđača osnovana s obzirom da komisija nije izvršila uvid u uzorke tražene tenderskom dokumentacijom, dostavljene od strane ponuđača koji su podnijeli ponude po ovom nadmetanju. Slijedom navedenog, s obzirom da ponude nisu u cijelosti sagledane kako bi se utvrdilo da li zadovoljavaju sve tražene/zadane uslove nadmetanja u tom dijelu, u formalno-pravnom, odnosno suštinsko-sadržajnom smislu, zaključeno je da ne postoje pretpostavke za nastavak ovog postupka nabavke, odnosno da su se stekli uslovi za njegovo poništenje.

Cijeneći utvrđeno činjenično stanje, uvažavajući proceduralni propust u radu Komisije, ocijenjeno je prihvatljivim da se postojeća Odluka o izboru najpovoljnijeg ponuđača broj: 05- 2732-11/15 od 31. 07. 2015. godine zamijeni s novom Odlukom o poništenju predmetnog postupka nabavke, saglasno članu 100., stav (3) Zakona o javnim nabavkama.

Na osnovu izloženog, odlučeno je kao u tačkama I. i II. ove odluke.

